

Efnisyfirlit

Tillögur til 30. aðalfundar	2
Félag smábátæigenda á Austurlandi.....	2
Hrollaugur	3
Farsæll	3
Árborg	4
Reykjanes	5
Báran	5
Reykjavík	6
Snæfell	6
Krókur	7
Elding.....	7
Strandir	8
Skalli	8
Klettur	9
Fontur.....	10

Tillögur til 30. aðalfundar
Landssambands smábátæigenda
Allsherjarnefnd

Félag smábátæigenda á Austurlandi

*Aðalfundur Félags smábátæigenda á Austurlandi,
haldinn 16. september 2014, samþykkti eftirfarandi:*

1. Byggðakvóti

Fundurinn hvetur stjórnvöld að breyta fyrirkomulagi byggðakvóta þannig að þær verði eingöngu nýttar af dagróðrabátum.

Veiðiheimildunum verði úthlutað til byggðalaga samkvæmt sömu forsendum og verið hefur. Nýting heimildanna verði í höndum dagróðrabáta í formi ívilunar á aflamark við löndun.

2. Fjarskiptasamband - sími

Fundurinn krefst úrbóta á síma- og öðrum fjarskiptasamböndum á veiðisvæðum smábáta fyrir Austurlandi og víða inni á fjörðum. Bent er á að bæði er rafmagn og sími á Dalatanga.

3. Auka heimildir vegna stækkunar báta

Fundurinn skorar á stjórnvöld að auka veiðiheimildir í krókaafلامarsskerfinu. Með breytingum á lögum um stjórn fiskveiða nr. 82/2013 þar sem stærðarmörk krókaafلامarssbáta voru færð upp að 15 metrum og að 30 brúttótonnum var gripið hastarlega inn í starfsumhverfi útgerða krókaafلامarssbáta. Jafnvægi til leigu á veiðiheimildum hafði ríkt, en með ákvörðun Alþingis varð gjörbreyting þar á og nú nánast vonlaust að fá kvóta á leigu.

Fundurinn telur einsýnt að lagabreytingunni hafi þurft að fylgja mótvægisáðgerðir og krefst þess að stjórnvöld axli ábyrgð af afleiðingum þessa inngrips með því að auka aflaheimildir krókaafلامarssbáta.

Hrollaugur

*Aðalfundur Hrollaugis, félags smábátæigenda á Hornafirði,
haldinn 2. október 2014, samþykkti eftirfarandi:*

4. Hrollaugur mótmælir því óréttláta gjaldi sem kallast veiðigjald og sérstakt veiðigjald.

Greinargerð

Þessi gjöld drepa niður allan starfsvilja og frumkvæði einstaklinga til að standa í útgerð, þegar hagnaðurinn fer í vasa allra annarra en þeirra sem afla hans, gefast menn upp og það ýtir ennfremur undir samþjöppun í greininni.

5. Hrollaugur vill að úthlutun byggðakvóta verði tekin til gagngerar endurskoðunar.

Greinargerð

Það er ólíðandi að útgerðir geti leikið sér að því að byggðakvóti færist á milli byggðalaga.

6. Hrollaugur beinir því til LS að stuðla að því að samræma stjórnþæki löndunarkrana hringinn í kringum landið og fylgja því eftir að kranar séu í lagi.

Greinargerð

Mismunur á uppsetningu stjórnþæka í löndunarkrönum getur skapað slysaættu og óhagræði.

7. Hrollaugur vill að skipaskoðun verði framkvæmd annað hvert ár þar með allur þæka s.s. björgunarbátar og slökkvitæki.

Farsæll

*Aðalfundur Farsæls, félags smábátæigenda í Vestmannaeyjum,
haldinn 8. október 2014, samþykkti eftirfarandi:*

8. Farsæll er alfarið á móti byggðakvóta.

9. Farsæll vill að sérstakt veiðigjald verði frítt af fyrstu 100 tonnum. ½ frá 100 að 200 tonnum.
10. Farsæll vill að síldveiðar í reknet verði leyfðar öllum smábátum óháð landsvæðum.
11. Farsæll skorar á LS að beita öllum ráðum til að koma í veg fyrir notkun snurvoðar innan 3ja sjómílna við suðurströndina.
12. Farsæll vill að Atvinnuveganefnd Alþingis greini frá því hvaða ástæður hafi legið að baki þegar nefndin ákvað að leggja til breytingar á lögum um fiskveiðar í landhelgi Íslands sl. vor þar sem 7 skip voru tekin og færð milli flokka. Með breytingunni var umræddum skipum veittur réttur til togveiða nær landi eða að 3 sjómílum í stað 4ra við Suðurland.
13. Farsæll vill að LS beiti sér fyrir því að sett verði upp sjálfvirk veðurathugunarstöð á Reynisfjalli eða Dyrhólaey.

Árborg

Aðalfundur Árborgar, félags smábátæigenda á Suðurlandi, haldinn 23. september 2014, samþykkti eftirfarandi:

14. Árborg leggur til að fyrstu 100 þorskígildistonnin verði frí af sérstöku veiðigjaldi og hálf gjald á næstu 100 tonninn.
15. Árborg hvetur til þess að ef áfram eigi að nota aflareglu við þorskveiðar þá verði viðmiðið hækkað í t.d. 25%.
16. Árborg hvetur til þess að sjómannaafsláttur verði endurvakinn.

Reykjanes

Aðalfundur Reykjaness, félags smábátæigenda á Reykjanesi, haldinn 28. september 2014, samþykkti eftirfarandi:

17. Aðalfundur Reykjaness skorar á sjávarútvegsráðherra að við endurskoðun á aflareglu í þorski verði hún hækkuð aftur í 25%. Hækkað verði útgefið aflamark á fiskveiðiarinu 2014/2015 í samræmi við það.
18. Aðalfundur Reykjaness skorar á ráðherra að færa VS-afla í sitt gamla horf, eitt heildar tímabil en ekki fjögur eins og er í dag.
19. Aðalfundur Reykjaness leggur til að bannað verði að róa á mánudegi eftir sjómannadag og vill að ráðherra gefi út reglugerð sem stangast ekki á við lög um sjómannadag.

Greinargerð

Lög um sjómannadag gilda til hádegis á mánudegi og þarf reglugerðin því að taka gildi frá hádegi á mánudegi til miðnættis til að bannið verði virkt.

Báran

Aðalfundur Bárunnar, félags smábátæigenda í Hafnarfirði, Garðabæ og Álftanesi, haldinn 28. september 2014, samþykkti eftirfarandi:

20. Báran styður hvalveiðar.
21. Báran leggur til að óþarft verði að skoða báta árlega. Nóg væri að skoða þá annað hvert ár nema björgunarbáta, þeir verði skoðaðir árlega.

22. Báran leggur til að LS styðji við bakið á frumkvöðlastarfsemi í útgerð smábáta og beiti sér fyrir því að framlag minni útgerða sé að fullu metið við brautryðjendastarf við veiðar á nýjum og vannýttum tegundum.
LS beiti sér fyrir bættri samkeppnisstöðu minni útgerða og smábáta við frumkvöðlastarf og viðurkenni og verji hagsmuni frumkvöðla komi til takmarkana á veiðum þegar frumkvöðlar hafa skapað ný tækifæri fyrir smábáta.
23. Báran felur LS að óska eftir heimildum fyrir túnfiskveiðar fyrir smábáta.

Reykjavík

*Aðalfundur Smábátafélags Reykjavíkur,
haldinn 22. september 2014, samþykkti eftirfarandi:*

24. Aðalfundur Smábátafélags Reykjavíkur vill fá símafyrirtækin til að bæta gsm og internet samband í Faxaflóa.

Snæfell

*Aðalfundur Snæfells, félags smábátæigenda á Snæfellsnesi,
haldinn 14. september 2014, samþykkti eftirfarandi:*

25. Aðalfundur Snæfells mótmælir harðlega kvótasetningu á blálöngu.
26. Aðalfundur Snæfells ályktar að lágmarksgjald hvers félagsmanns (báts) í LS verði að krónum 50.000 - fimmtíu þúsund krónur.
27. Aðalfundur Snæfells ályktar að LS beiti sér fyrir því af fullum þunga að úthlutað verði 15.000 tonnum af síld til handa krókabátum og smábátum með aflamark. Veiðigjöld verði í samræmi við aðra útgerðarflokka á síldveiðum.

28. Aðalfundur Snæfells mótmælir harðlega veiðum nótaveiðiskipa á síld á grunnsævi í Breiðafirði. Það getur ekki talist vistvænt að veiða í 60 fm djúpa síldarnót á 10 fm dýpi. Fundurinn leggur til að umræddum skipum verði óheimilt að stunda veiðar á grynri sjó en sem svarar dýpt nótarinnar.
29. Aðalfundur Snæfells skorar á stjórnvöld að aflaregla í þorski miðist við 25% .
30. Aðalfundur Snæfells ályktar að reglugerðarlokanir standi aldrei lengur en í 6 mánuði. Umrædd reglugerðarhólf verði þá opnuð sjálfkrafa og verði skoðuð af starfsmönnum Fiskistofu.

Krókur

Aðalfundur Strandveiðifélagsins Króks, félags smábátæigenda í Barðastrandarsýslu, haldinn 20. september 2014, samþykkti eftirfarandi:

31. Strandveiðifélagið KRÓKUR skorar á stjórnvöld að vinna að því að byggðakvóti verði eingöngu nýttur af dagróðrabátum.

Elding

Aðalfundur Eldingar, félags smábátæigenda í Ísafjarðarsýslum, haldinn 21. september 2014 samþykkti eftirfarandi:

32. Elding leggur til að skipstjórar fái að ráðstafa VS-afla til styrktar líknarsamtökum.
33. Að Hafró afli upplýsinga um það magn af fæðu sem makrillinn tekur til sín á grunnslóð þann tíma sem hann dvelur í íslenskri landhelgi.
34. Elding krefst þess að samband AIS kerfisins verði stórbætt úti fyrir Vestfjörðum. Sama má segja um síma- og talstöðvarsamband. Ef nota á þessi kerfi sem öryggis- eða eftirlitstæki verða þau að virka almennilega, það vantar búnað í landi til að svo verði.

Strandir

Aðalfundur Stranda, félags smábátæigenda í Strandasýslu, haldinn 21. september 2014, samþykkti eftirfarandi:

35. Aðalfundur Stranda ályktar að byggðakvóta verði breytt þannig að hann verði nýttur af dagróðrabátum og komi sem ívilnun við löndun.

Skalli

Aðalfundur Skalla, félags smábátæigenda á Norðurlandi vestra, haldinn 19. september 2014, samþykkti eftirfarandi:

36. Byggðakvóti

Aðalfundur Skalla skorar á stjórnvöld að breyta fyrirkomulag byggðakvóta þannig að hann verði eingöngu nýttur af dagróðrabátum.

Veiðiheimildum úthlutað til byggðalaga eftir sama hætti og verið hefur. Þess skuli gætt að ekkert skip fái byggðakvóta sem hafi leigt meira frá sér heldur en það hefur tekið til sín miðað við síðasta fiskveiðiár.

37. Veiðigjöld

Aðalfundur Skalla lýsir vonbrigðum yfir að ekki hafi verið tekið tillit til sjónarmiða LS við breytingar á lögum um veiðigjöld.

38. Fljótagrunn

Aðalfundur Skalla skorar á atvinnuvega- og nýsköpunarráðherra að fella úr gildi reglugerð nr. 742/ 2009 um friðað hólfi á Fljótagrunni.

39. Úttekt

Skalli samþykkir að óska eftir að LS gangist fyrir því að gerð verði úttekt á því hvaða áhrif það hafi á útgerð smábáta á landinu og þar á meðal hinar ýmsu smærri sjávarbyggðir þær breytingar sem gerðar voru á stærðarmörkum smábáta í 30 tonn.

Klettur

Aðalfundur Kletts, félag smábátæigenda Ólafsfjörður - Tjörnes, haldinn 18. september 2014, samþykkti eftirfarandi:

40. Aðalfundur Kletts lýsir vonbrigðum með að ekki sé heimiluð meiri heildarveiði í þorski og skorar á stjórnvöld að færa aflareglu í fyrra horf.
41. Aðalfundur Kletts skorar á atvinnuvega- og nýsköpunarráðherra að skoða til hlítar þá aðferðafræði að úthluta veiðiheimildum til smábáta að hluta til í þorskígildum í stað kílóa í einstökum tegundum. Er þá átt við að menn gætu veitt ákveðinn hluta af sínum heimildum í ígildum talið.
42. Aðalfundur Kletts skorar á atvinnuvega- og nýsköpunarráðherra að færa reglur um VS afla til fyrra horfs þ.e.a.s. fiskveiðiárið eitt tímabil.
43. Aðalfundur Kletts skorar á stjórnvöld að einfalda sem mest vigtarreglur og framkvæmd á vigtun bolfiskafla. Styður Klettur þá hugmynd að afli sé endanlega vigtaður á hafnarvog með fastri ísprósentu sem endurspeglar að meðaltali rétta vigtun á fiski. Í kringum 6-8% frádrag vegna íss hjá dagróðrabátum í stað þeirra 3% sem nú eru.
44. Klettur leggur til og skorar á stjórnvöld að við endurskoðun á lögum um stjórn fiskveiða verði tryggð virkari verðmyndun á fiski og tryggt aukið framboð afla á skipulögðum uppboðsmörkuðum. Í þeim tilgangi er lagt til að allir útgerðaraðilar verði skyldaðir að bjóða til sölu á skipulögðum uppboðsmarkaði um 20-25% af lönduðum afla í hverri tegund með einhverjum sveigjanleika milli tegunda á hverju 3ja mánaða tímabili.
45. Klettur skorar á stjórnvöld að tryggja að langdrægni AIS kerfisins sé með þeim hætti að það nái yfir þekktar veiðislóðir smábáta s.s. svæðið í kringum Kolbeinsey, Hornbanka og norðanverðar Strandir. Því er harðlega mótmælt að farsvið smábáta sé takmarkað við ástand og ásigkomulags AIS eftirlitskerfisins eins og það er á hverjum tíma.
46. Klettur skorar á stjórnvöld að hlutast til um að Eyjafjörður verði hreinsaður af aflögðum búnaði og línunum sem áður tilheyrðu fiski- og kræklingaræktendum á svæðinu. Nú er engin slík starfsemi í gangi og leifar af þessum búnaði hafa þegar valdið sjófarendum hættu og umtalsverðu tjóni á bátum.

47. Aðalfundur Kletts skorar á atvinnuvega- og nýsköpunarráðherra að breyta fyrirkomulagi reglugerðarlokana þannig að reglugerð sem felur í sér lokun hólfá falli úr gildi eigi síðar en þremur árum eftir að þau hafa verið ákveðin.
48. Aðalfundur Kletts styður ályktun LS og skorar á sjávarútvegsráðherra að fella úr gildi reglugerð nr. 742/2009 um friðað hólfa á Fljótagrunni.
49. Aðalfundur Kletts fordæmir vinnubrögð stjórnvalda að færa ráðherra óheft völd hvernig úthlutað er til strandveiða, línuívilnunar og byggðakvóta. Þessi ráðstöfun er algerlega á skjön við heilbrigða og gegnsæja stjórnsýslu og til þess eins að leiða til sundrungar og spillingar.
50. Aðalfundur Kletts skorar á atvinnuvega- og nýsköpunarráðherra að bæta sjómönnum nú þegar upp þá tekjuskurðingu sem þeir hafa orðið fyrir með afnámi sjómannaafsláttar.

Fontur

Aðalfundur Fonta, félags smábátæigenda á Norðausturlandi, haldinn 17. september 2014, samþykkti eftirfarandi:

51. Fontur skorar á stjórnvöld að lækka almennt veiðigjald og að fastur afsláttur af sérstöku veiðigjaldi verði hækkaður.
52. Fontur lýsir stuðningi við tillögur stjórnar LS um ívilnandi reglur um byggðakvóta. Félagið telur brýnt að koma á stöðugleika varðandi hann og úthlutun til sveitarfélaga verði óbreytt í 3 – 5 ár í senn.
53. Fontur tekur undir tillögu stjórnar LS frá 16. júlí sl. um mótvægisáðgerðir vegna breyttra reglna um stærðarmörk krókaflamarksbáta.
54. Fontur skorar á innanríkisráðherra að beita sér fyrir því að breyta reglum um skoðun smábáta þannig að þær verði framkvæmdar annað hvert ár að undanskildum björgunarbát. Ennfremur að hraðað verði vinnu við mótun reglna um sjálfskoðun smábáta.
55. Fontur lýsir stuðningi við hvalveiðar.